



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-434-3/21**
Datum: **13.12.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „MUMINOVIĆ“ d.o.o. Bihać, za izdavanje vodne dozvole za aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Pokojske majne" u naselju Pokoj, grad Bihać, na osnovu člana 139. stav (1) tačka 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E **o vodnoj dozvoli**

1. Pravnom licu, „MUMINOVIĆ“ d.o.o. Bihać, daje se vodna dozvola za aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Pokojske majne", na zemljištu označenom po novom katastarskom operatu kao k.č. broj: 3, 474, 476, 477, 478, 479, 480, 481, 500, 501, 502, 519, 520, 523, 535, 536, 3696 i 3703 K.O. Založje, odnosno po starom katastarskom operatu kao k.č. broj: 12/1, 12/17, 12/111, 12/18, 12/19, 12/20, 12/102, 12/105, 12/22, 12/52 i 12/103 K.O. Založje, a čije su granice eksploatacionog polja odobrene Rješenjem ministarstva privrede Vlade USK broj: 06-18-13899-UP-1/2017 od dana 06.11.2017. godine, kojim se odobrava eksploatacija mineralne sirovine - dolomita unutar eksploatacionog polja „Pokojske majne“ ukupne površine 2 ha, označene slovima – tačkama A, B, C i D a definisane koordinatama (X,Y) na području grada Bihaća.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Rješenje o vodnoj dozvoli se donosi na osnovu pregleda dokumentacije kojom raspolaže podnosilac zahtjeva, izvršenog uviđaja na površinskom kopu-kamenolomu i pod slijedećim uslovima:
 - 3.1. Da korisnik, u toku važenja ovog Rješenja, u skladu sa dostavljenim dinamičkim planom; realizuje radove po dostavljenoj investiciono-tehničkoj dokumentaciji, urađenoj na nivou Glavnog projekta, za prikupljanje, prečišćavanje i ispuštanje otpadnih voda koje nastaju na lokalitetu površinskog kopa „Pokojske majne“ (sanitarno-fekalne, oborinske onečišćene vode, oborinske nezagađene vode i oborinske onečišćene vode sa kratera kopa) u definisani recipijent, a sve u skladu sa dostavljenim Glavnim projektom vanjskog uređenja i instalacija vodovoda i kanalizacije za kamenolom Pokojske majne pravnog lica „MUMINOVIĆ“ d.o.o. Bihać, revidiranim od strane TQM d.o.o. Lukavac pod brojem 10-10/19 dana 29.01.2019. godine, u Lukavcu, izrađenim od strane ovlaštenog pravnog lica „Euroing“ d.o.o. Bihać pod brojem AGP 01-01/19 od januara 2019. godine.
 - 3.2. Da korisnik, u toku važenja ovog Rješenja ishoduje Odobrenje za građenje i upotrebnu dozvolu od nadležnog kantonalnog ministarstva vlade USK a na osnovu Glavnog rudarskog projekta.
 - 3.3. Korisnik mora obezbjediti da prečišćene otpadne vode prije ispuštanja u površinsku vodu moraju da zadovolje granične vrijednosti emisije iz tabele 1. Prilog 27 Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).

- 3.4. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno Uredbi o uslovima ispuštanja otpadnih voda u okoliš i sisteme javne kanalizacije.
 - 3.5. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora, te talog iz taložnika potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
 - 3.6. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
 - 3.7. U toku izvođenja radova kao i same eksploatacije opasni materijal i otpad ne smije ni privremeno odlagati na česticu «vodno dobro», odnosno u vodotok i na njegove obale.
 - 3.8. Da se redovno vrši monitoring prečišćene oborinske onečišćene vode iz okna za monitoring shodno Uredbi o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa istom Uredbom.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
4. Vlasnik, odnosno korisnik objekta je obavezan vršiti plaćanje vodne naknade u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12).
 5. U periodu važenja ove dozvole, korisnik „MUMINOVIĆ“ d.o.o. Bihać je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06) i članu 26. stav (2) Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja do **19.12.2023.** godine, od dana pravosnažnosti ovog rješenja.
 9. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
 10. Uslov za izdavanje nove vodne dozvole je ispunjenje uslova iz dispozitiva ovog Rješenja.

O b r a z l o ž e n j e

Pravno lice „MUMINOVIĆ“ d.o.o. Bihać, obratilo se ovoj Agenciji dana 20.09.2021. godine sa zahtjevom za izdavanje vodne dozvole za kamenolom "Pokojske majne", na zemljištu označenom po novom katastarskom operatu kao k.č. broj: 3, 474, 476, 477, 478, 479, 480, 481, 500, 501, 502, 519, 520, 523, 535, 536, 3696 i 3703 K.O. Založje, odnosno po starom katastarskom operatu kao k.č. broj: 12/1, 12/17, 12/111, 12/18, 12/19, 12/20, 12/102, 12/105, 12/22, 12/52 i 12/103 K.O. Založje, a čije su granice eksploatacionog polja odobrene Rješenjem ministarstva privrede Vlade USK broj: 06-18-13899-UP-1/2017 od dana 06.11.2017. godine, kojim se odobrava eksploatacija mineralne sirovine - dolomita unutar eksploatacionog polja „Pokojske majne“ ukupne površine 2 ha, označene slovima – tačkama A, B, C i D a definisane koordinatama (X,Y) na području grada Bihaća.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjereni kopiji Aktuelnog izvoda iz sudskog registra, Matični broj upisa: 1-225-00, izdanog dana 18.08.2021. godine, od strane Općinskog suda u Bihaću,

- Ovjerena kopija Uvjerenja o poreznoj registraciji, izdanog dana 30.12.2002. godine, od strane Federalnog ministarstva finansija, Porezne uprave – Kantonalni ured BIHAĆ,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdanog od strane Uprave za indirektno-neizravno oporezivanje Banjaluka, broj 04/1-UPJR/1-1749-2/09, dana 24.03.2009. godine, u Banjaluci,
- Kopija uplatnice upravne pristojbe,
- Kopija rješenja, kojim se privrednom društvu „Muminović“ d.o.o. Bihać, odobrava eksploatacija industrijske mineralne sirovine dolomita unutar granica eksploatacionog polja „Pokojske majne“ na području općine Bihać; izdano od strane Ministarstva privrede Vlade USK pod brojem:06-18-13899-UP-1/2017 od dana 06.11.2017. godine, u Bihaću,
- Kopija Ugovora o koncesiji br. KU 056/2017 za istraživanje i eksploataciju dolomita na ležištu „Pokojske majne“ na području grada Bihaća, zaključne sa koncesorom – Ministarstvom privrede Unsko-sanskog kantona dana 30.08.2017. godine u Bihaću pod brojem 056/2017,
- Glavni projekt vanjskog uređenja i instalacija vodovoda i kanalizacije za površinski kop kamenolom „Pokojske majne“ pravnog lica „MUMINOVIĆ“ d.o.o. Bihać; urađen od strane EUROING d.o.o. Bihać pod brojem AGP 01-01/19 od januara 2019. godine te revidirnog od strane TQM d.o.o. Lukavac pod brojem 10-10/19 dana 29.01.2019. godine, u Lukavcu,
- Dinamički plan izrađen od strane pravnog lica korisnika vodne dozvole dana 22.11.2021. godine.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 26/20), izvršen je pregled lokaliteta kamenoloma "Pokojske majne", koji se koristi od strane pravnog lica „MUMINOVIĆ“ d.o.o. Bihać, i tom prilikom sačinjen zapisnik o uviđaju, broj: UP-I/25-3-40-434-2/21 od 30.11.2021. godine, pri čemu je utvrđeno:

Predmetni kamenolom "Pokojske majne" je lociran između naselja Čavkići i Spahići, grad Bihać.

Ugovorom o koncesiji Ministarstva privrede Unsko-sanskog kantona kao Koncesora broj: 056/2017 od 30.08.2017. godine, dodjeljena je koncesija za eksploataciju tehničkog građevinskog kamena – dolomita na ležištu „Pokojske majne“ na području grada Bihaća.

Eksploataciono polje je površine 2,0 ha ograničeno prelomnim tačkama označenim kao: A, B, C i D, koje su definisane koordinatama (x,y):

Prelomne tačke	koordinate	
	y	x
A	5 570 548	4 968 726
B	5 570 663	4 968 890
C	5 570 582	4 968 947
D	5 570 466	4 968 784

Kako je definisano gore navedenim Rješenjem kantonalnog ministarstva privrede broj: 06-18-13899-UP-1/2017 od dana 06.11.2017. godine, kojim se odobrava eksploatacija mineralne sirovine dolomita unutar eksploatacionog polja „Pokojske majne“, te Ugovora o koncesiji br. KU 056/2017 za eksploataciju dolomita na ležištu „Pokojske majne“ u gradu Bihaću.

Na predmetnom kamenolomu, u vrijeme izvršenja uviđaja, su postojali slijedeći objekti i mašine/ postrojenja: postrojenje za drobljenje kamenog agregata, postrojenje separacije drobljenog kamena, bager i utovarivač, zidani objekt koji služi kao radionica za održavanje radnih mašina sa kontejnerskim upravnim i samostojećim sanitarnim prostorijama.

Na predmetnom lokalitetu, u vrijeme izvršenja uviđaja su vršeni radovi na eksploataciji mineralne sirovine na jednoj etaži, dok se na drugoj etaži vrši uklanjanje površinskog sloja jalovine.

Na prostoru predmetnog kamenoloma trenutno nije omogućen priključak na javni gradski vodovodni niti kanalizacioni sistem. Za piće se koristi flaširana voda, a za sanitarne svrhe se voda dovozi u kontejneru.

Oborinske vode sa internih saobraćajnih i parkirnih površina, radnih površina kopa te skladišnih površina gotovih proizvoda, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se najvećim dijelom zadržavaju unutar istražnog polja te slijevaju ka prirodnom jezercu unutar eksploatacionog polja, bez prethodnog tretmana.

Nisu izvedeni radovi predviđeni projektnom dokumentacijom za prikupljanje otpadnih voda.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka i utvrđenog činjeničnog stanja, doneseno je rješenje kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „MUMINović“ d.o.o. Bihać, Kostela br.17., 77000 Bihać
- AVP Sava, ISV – Vodna knjiga
- Sektor 50
- Sektor 40, arhiva
- 📎 Oglasna ploča - AVP Sava